

者此更作何行相已上問緣擇滅時亦應不作被滅行相蓋無常滅故解云擇滅諦收聖心現證雖作滅行而無有蓋不同非擇滅是無記性故不作妙行相非離繫果故不作離行相又顯宗三九云無相無相即緣無學無相三摩地非擇滅為境以無漏法無擇滅故但取靜相非滅妙離謂彼先起無學等持非擇滅中思惟靜相從此後起殊勝善根相應等持即緣無學無相三摩地非擇滅為境思惟靜相於無想滅復觀為無相名無相無相舉喻顯示如前應知重無相等持靜行相後起即復還與靜行相相應唯此能觀非擇滅故非妙行相境無記

故非離行相以雖證得彼非擇滅猶縛隨故非滅行相以非擇滅非永解脫一切苦故又若觀滅蓋非常故所言靜者唯顯止息故非擇滅得有靜相以修聖道經久劬勞於彼息中便生樂想故重無相取靜非餘此三等持至無漏不然者釋有漏此三三摩地唯是有漏厭聖道故無漏不然若緣聖道是欣非厭又顯宗云重二等持唯是有漏以於聖道生厭捨故非無漏定厭捨聖道亦緣聖道取空非常理可名為厭捨聖道無相無相但緣無為作靜行相何名厭道此欣無學無相等持不轉之因故名厭道謂彼定起而作是言無相等持不生為

善此既欣讚聖道不生如何不名厭捨聖道前無相定
非此所緣如何此名無相無相或應許此定不緣非擇
滅但緣無學無相不生此亦不然准前釋故謂緣無相
之非擇滅此非擇滅亦離諸相緣無相無相故得無相
無相名緣無相境作靜行相是故此定從境立名唯三
洲人至重三摩地者釋人不時顯宗云唯三洲人能起
此定通依男女以女依身亦能自在延促壽故唯無學
位以有學者但欣聖道未能厭故此亦非一切唯不時
解脫以時解脫愛聖道故又婆沙一百五云答聖者能
起非異生無學能起非有學不時解脫起非時解脫所

以者何若於定得自在及無煩惱身方能起此三摩地
故一切異生及信勝解二事俱無見至雖於定得自在
而身中猶在煩惱時解脫雖身中無煩惱而於定不得
自在故皆不能起此定唯有不時解脫具二事故能起
此定記上依十一地至八本中間者釋後句顯宗云依
十一地除上七邊以上七邊無勝德故若在欲界從未
至攝聖道後起若在有頂無所有攝聖道後起餘皆自
地聖道後起就總類說此從法類苦滅四智無間而生
若就別說欲界攝者非類後生上界攝者非法後起前
二非滅後起第二非苦後生餘行相後起此定故應得

此者皆盡智時由離染得後由加行方起現前唯我世
尊不由加行順趣解脫起此現前於道尚厭豈欣諸有
此後亦起聖道現前然厭道故非無間起欲界攝者是
思所成餘修所成依定起故記上文契經復說至修金剛
喻定者此即第四明修四等持依經問起及與頌答論
曰至乃至廣說者此即引經顯宗釋云此經所說若習
若修若多所作義差別者為欲顯示習修得修所治更
遠如其次第善言通攝至便不住故者釋初兩句住現
前法樂名住現法樂經但說初舉初顯後理實通餘上
三靜慮餘文可知若依諸定至殊勝知見者釋第三第

四句若依諸定修天眼通便能獲得殊勝知見知見即
是清淨眼識相應勝慧故法蘊足論第八解四修中云
清淨眼識相應勝慧說名為知亦名為見謂天眼識相
應勝慧領受觀察彼彼諸色是名此中殊勝知見彼於
此定若習若修若多所作能令證得殊勝知見若修三
界至得分別慧者釋第五第六句此亦可知若修金剛
至依自說故者釋後兩句若修金剛喻定便得諸漏永
盡理實修此金剛喻定通依諸地而經但說第四靜慮
得漏盡者毗婆沙師傳說世尊依自說故以佛世尊但
依第四得漏盡故於六通中但說二者天眼通能觀生

夾漏盡通能得涅槃故經偏說之矣

俱舍論記卷第二十八

俱舍論記卷第二十九

分別定品第八之二

沙門釋 普光 述

如是已說至所起功德者此下大文第二明能依功德
就中一明四無量二明八解脫三明八勝處四明十遍
處五明得依身六明起定緣此下第一明四無量就頌
前中一總結生下一別起頌文此即總結生下諸功德
中先辨無量者此即別起頌文頌曰至入起定成二者
就此頌中初句標名舉數次一句顯唯有四次兩句出
體次二句明行相次一句明所緣次兩句明所依次一

夾漏盡通能得涅槃故經偏說之矣

俱舍論記卷第二十八

俱舍論記卷第二十九

分別定品第八之二

沙門釋 普光 述

如是已說至所起功德者此下大文第二明能依功德
就中一明四無量二明八解脫三明八勝處四明十遍
處五明得依身六明起定緣此下第一明四無量就頌
前中一總結生下一別起頌文此即總結生下諸功德
中先辨無量者此即別起頌文頌曰至人起定成二者
就此頌中初句標名舉數次一句顯唯有四次兩句出
體次二句明行相次一句明所緣次兩句明所依次一

句明不_レ斷惑後一句明處及成論曰至感無量果故者
釋初句標名舉數及與列名釋名言無量者無量有情
爲所緣故從境爲名引無量福故從等流果爲名感無
量果故從異熟果爲名此何緣故唯有四種者釋第二
句此卽問也對治四種多行障故者答由治四障故唯
四種何謂四障者問謂諸瞋害至建立止慈等者答不欣
慰以嫉爲體正理云如契經說慈能斷瞋悲能斷害喜
斷不欣慰捨斷欲貪瞋不淨與捨至斯有何別者問毘
婆沙說至捨能對治者答毘婆沙說欲貪有二一色貪
謂顯形一_レ媯貪謂媯欲若不淨觀能治色貪由觀不淨

色貪不起若捨無量能治媯貪由觀平等媯貪不起論
主解云理實不淨觀能治媯貪觀不淨媯貪不起餘
親友貪捨能對治由觀平等親貪不起四中初一至悲
是不害者釋第二句四中慈悲體是無瞋正理云性雖
無別殊慈能治殺有情瞋歡行相轉悲能對治惱有情
瞋戚行相轉是謂差別問若悲無瞋爲體能治瞋者何
故前說悲能治害解云以實而言悲止治瞋害是瞋家
等流果故悲亦治害或悲治害述論主義論主解云理
實應言悲是不害問雖順長行悲能治害如何須說悲
是無瞋解云不害似無瞋以無瞋名說故正理云有作

是言悲是不害近治害故理實如是但害似瞋以瞋名說悲之行相亦似無瞋立無瞋名實是不害論文又解頌文是前師義喜卽喜受釋第四句中喜此論喜無量以喜受爲體又婆沙一百四十一云喜謂慶慰作意相應喜根爲性有餘師說以善心所中欣爲自性然無評家若依正理七十九出喜體性三說不同一以喜受爲體二以欣爲體二以無貪爲體然彼論意破初說存後兩家故彼論云諸古師說喜卽喜受何緣觀行者爾時喜受生若緣與樂與慈無異若緣拔苦應與悲同又契經欣故生喜喜卽喜受如先已說此喜行相與彼欣同

喜故生喜義有何異若言下上義有異者輕安與樂義亦應然差別因緣不可得故又違本論云何名喜謂喜喜相應受想行識等此中意顯喜俱品法喜增上故總立喜名非受受俱其理決定若喜卽喜受何言與受俱若言對法以理爲量應如無過誦本論文此亦不然理爲量論要有經證方可定文若與經違理必可壞不應隨意輒改論文是故此喜定非喜受以欣爲體或卽無貪謂別有貪是惡心所於有情類於是思惟云何當令諸所有樂彼不能得皆屬於我喜能治彼故是無貪此與喜根必俱行故三地可得如悔憂俱喜亦無貪分明

相者於他盛事心不貪著於他獲得後生欣慰心熱對治說名為喜故知此喜亦無貪性已上論文問諸論不同何者為正解云正理既有立破即以彼為正又解俱舍為正無異說故又當婆沙初師說故說喜為欣乃當婆沙餘師義故與樂拔苦俱是無瞋喜是喜受體性各別如何此中舉以為難又喜與欣名義俱別寧言喜行相與彼欣同說喜喜受名義行相皆順契經本論非經無勞會釋若必須釋自有明文婆沙八十一通品類足云彼文應說謂喜及喜相應想行識不應言受而言受者是誦者謬復次彼論總說五蘊為喜無量自性雖喜受與

受不相應故而餘心心所法與受相應故作是說亦不違理已上論文若言前解改論文故我已破者此乃自破毘婆沙義雖欲意違俱舍何故返害自師婆沙後釋不改論又通品類足何故隱而將不通釋又言無貪為喜無量此亦非理一即無文可證一即名義全殊曲解順情將為未可知如悔憂俱一唯欲界無貪喜俱二地可得此無貪性應不通上喜唯三地本由喜根非喜為性言無貪者有何意趣良恐臆度無真理教捨即無貪至五蘊為體者釋捨無貪上來尅性出體若并眷屬五蘊為體若捨無貪性如何能治瞋者問若捨無量無貪為性但

應治貪如何前說亦能治瞋此所治瞋貪所引故者答此捨無量所治瞋恚貪所引故貪是其本瞋是其末若貪不起瞋亦不生故捨無貪性亦能兼治瞋謂於親友起二品貪次緣怨家恐害親友起二品瞋此瞋由貪引起此捨無量最初修時於處中起不貪瞋故欲令怨親與處中等是故最初於處中起應知初捨怨二品瞋末易捨故次捨親二品貪本難捨故由如是理捨雖無貪亦能治瞋問若捨亦能治瞋如何須本言捨無貪解云正能治貪故前頌文無貪爲體兼能治瞋故後長行亦言治瞋又正理云若捨無量亦能治瞋寧唯無貪與慈

何異且捨與慈有差別者慈能對治瞋所引瞋無瞋爲體捨能對治貪所引瞋無貪爲體豈不如捨無貪爲性亦能對治貪所引瞋如是許慈無瞋爲性亦應能對治瞋所引貪此難不殊行相違故謂捨行相雙違貪瞋捨親非親友差別相故定從此愛恚俱不生故卽由此故捨唯無貪正能治貪兼治瞋故慈之行相違瞋非貪於諸有門與樂轉故由此慈捨雖俱違瞋而慈順貪捨能違害是故此一極有差別或修捨者治非處瞋慈治處瞋故有差別理實應用二法爲體者論主意解此捨無量能治貪瞋理實應用無貪無瞋一法爲體問若捨無

量一法爲體如何頌文不言無瞋解云理實此捨一法
爲體頌言無貪且從強說或頌無貪是前師義此四無
量至入捨等至者釋第五第六第七句明四行相慈謂
與樂悲謂拔苦喜謂喜慰捨謂平等此四無量至寧非
顛倒者問願欲令彼至治瞋等故者答雖實未得願欲
令彼得樂等故非是顛倒阿世耶此云意樂雖實未得
由善意樂無顛倒故雖實未得與勝解想相應起故非
執真實故非顛倒設是顛倒復有何失者抑外道出過
若言顛倒應非善者理則不然此與善根相應起故若
言顛倒應引惡者理亦不然由此力能治瞋等故此緣

欲界至以顯器中至者釋第八句此緣欲界一切有情
不緣上界能治緣彼瞋等障故故正理云皆緣欲界有
情爲境能治緣彼瞋等障故謂於欲界有怨親中三聚
有情能生瞋等於中有捨怨親等相便能伏除瞋等煩
惱是故此境唯欲有情必不能緣色界大悲體是無癡
善根出此力能通緣二界已上論文又通經云然契經說修
習慈等思惟一方一切世界此經舉器以顯器中一切
有情故無有失第二但依至皆無量攝者釋第九第十
句依地分別第三喜無量但依初二靜慮喜受攝故餘
定地中無此喜故所餘慈悲捨二無量通依六地此師

唯約定地以說或有欲令唯依五地謂除未至是容預
功德已離欲者方能起故未至定是未離欲道設已離
欲亦不能起此師但約容預德明或有欲令此四無量
隨其所應喜在三地謂欲初二三通十地謂欲四根本
四近分中間總而少之通依十地此意欲令定不定地
根本加行皆無量攝又正理云若悲亦依下三靜慮如
何得與喜樂相應悲緣苦有情成行相轉故此如無漏
狀作意生是故通依下三靜慮彼真實作意能順生欣
喜樂相應可無有過此勝解作意不順生欣如何可言
與彼相似疑是戚性不順生欣如何許疑喜樂俱起勝

解作意應與彼同然此於欣極相隨順力能引生真實
仁意其則不有極實故彼尚相應此寧不許此勝
解作意理應違欣有歡戚處中行相別故悲既戚行相
轉應非喜樂相應勿二行相俱時轉故若爾應不許與
捨受相應捨受處中行相轉故既非不許捨受相應與
喜樂俱理定應許勿全不與受相應故已上論文前雖說此
至有情境故者釋第十一句明非斷惑前雖說此能治
四障而不能令諸惑得斷有漏根本靜慮攝故雖復亦
有近分攝者且簡根本以得根本下惑必斷有漏根本
尚不斷惑中間不斷理在絕言故不別簡或影顯彼中

間不斷勝解作意相應起故真實作意方能斷惑通緣
一切有情境故緣法作意方能斷惑此加行位至能治
四障者會釋前文開一章門一此加行位制伏瞋等二
或此能令已斷更遠由此一義故前說此能治四障惑
通伏難伏難意云若非斷惑如何前說能治四障謂欲
未至至能斷諸惑者釋初章謂欲未至加行位中亦有
慈等似所修成根本靜慮四種無量由此加行位中制
伏瞋等障已能引未至斷治道生能斷諸惑約伏及引
說能治障諸惑斷已至之所蔽伏者釋第二章由未至
定九無間道諸惑斷已離染位中友得根本四種無量

於此離染後位之中雖遇起惑強緣而非瞋等之所蔽
伏以此能令已斷更遠說能治障應知無量若據加行
似修在欲未至若據根本修成在四根本定初習業位
云何修慈者因治障便問初修謂先思惟至現可見故
者答若惑非增盛但起與樂若惑增盛作七品修乃至
修習慈無量成若於有情樂求德者能修慈定令速疾
成以於斷善者有德可錄先福業果類端正等現可見
故非於有情樂求失者以於麟喻獨覺有失可取先罪
業果類黑疲等現可見故若依正理修四無量各分九
品中復開二故彼論云初若引起四無量時先於有情

分爲二品所謂親友處中怨讐二各分三謂上中下上親友者謂生法身賴彼重恩捨便難在中親友者謂財法交極相親愛下親友者謂唯財交亦相親愛上處中者謂於自昔曾不見聞中處中者謂雖見聞而不交往下處中者謂雖交往而離恩怨上怨讐者謂奪名譽命及親友中怨讐者謂奪己身命緣資具下怨讐者謂奪親友命緣資具或可俱舍中亦有二以處中故且合爲一修悲喜法至實爲樂哉者類釋悲喜皆準前慈復畧釋悲謂觀有情沒衆苦海便願令彼皆得解脫復畧釋喜謂想有情得樂離苦便深欣慰實爲樂哉修捨最初

至與處中等者此別釋捨修最初從處中起處中非怨親不起瞋貪易捨初起次捨下中上怨次捨下中上親起平等心與處中等然瞋易捨故先捨怨親愛難除故後爲捨親故正理云初修捨者先捨處中非先捨怨親悲愛難捨故又處中品順捨力增於中如前先捨上品次捨中下及與怨親從下至中從中至上先捨怨者以親難捨故如契經說貪難斷非瞋如是漸次修習於捨至上親友等上處中普於有情捨差別相悉此名曰修捨成滿唯處中開二俱舍不同或可俱舍處中亦二處中故舍爲此四無量至不成喜故者釋第十二句此四無量人中現起非於餘

處此即現起分別隨得一時必成慈悲及捨二種生第
三定等唯不成喜故此即成就分別此四無量廣如婆
沙八十一八十二解已辨無量至非擇滅虛空者此即
第二明八解脫結前生起及與頌釋就中初句總標次
兩句別明前三解脫第四句別明次四解脫第二頌別
明第八解脫後一頌總明所緣論曰至為第八解脫者
釋初句一於內色身有色想貪為除想貪觀外不淨青
瘀等色而方內身念貪不起名初解脫一於內色身無
色想貪雖已除貪為堅牢故觀於外不淨青瘀等色念
貪不起名第二解脫二觀清淨色念貪不起名淨解脫

顯觀轉勝此淨解脫彼觀行者身中證得名身作證具
足圓滿得在此定名具足住空無邊等四無色定各能
解脫下地貪故為次四解脫滅受想定棄背受等名第
八解脫故婆沙八十四云棄背義是解脫義問若棄背
故名解脫者何等解脫棄背何心答初二解脫棄背色
貪心第三解脫棄背不淨觀心四無色處解脫各自棄
背次下地心想受滅解脫棄背一切有所緣心故棄背
義是解勝義廣如婆沙八中前二至皆五蘊性者釋第二句
八解脫中前三解脫無貪為性近治貪故然契經中言
想觀者於貪聚中想增言想於無貪聚中觀增言觀故

言想觀。二中初二。不淨相轉。作青瘀等。諸行相。故第三
解脫。清淨相轉。作淨光鮮。行相轉。故俱治於貪。故以無
貪爲體。若并助伴。皆五蘊性。問何故。婆沙云。欲界者。以
四蘊爲自性。色界者。以五蘊爲自性。解云。此論據勝婆
沙。兼據似說。問。婆沙明。依界依地。中何故不言。依欲界
地。解云。出體。強弱兼並。論故。言四蘊界地。唯約勝說。不
言欲界。初二。解脫。至非增上。故者。釋第三句。初二。解脫。
一。通依。初二。靜慮。初二。亦攝。近分中間。能治欲界。眼
識所引顯色貪。故能治。初定。眼識所引顯色貪。故。初
二。解脫。俱依。初二。定。此釋。二。定。又正理云。何緣。此中

狀逆色想。可得說。與喜受相應。地力使然。如苦集智。上
論。第二。解脫。唯觀淨色。今貪不起。此極爲難。要依勝定。
方可得成。故依第四。以第四定。離八災患。心澄淨。故此
釋。一。定。餘。二。四定。及欲界地。亦有初二。相似。解脫。餘
初二。三定。及欲界地。亦有第二。相似。解脫。而不建立。非
增上。故。故正理云。初二。解脫。一。通依。初二。靜慮。能治
欲界。初靜慮中。顯色貪。故初二。通攝。近分中間。五地皆
能起。初二。故欲及。初定。有顯色貪。由眼識身所引起。故
爲解脫。彼初二。定中。建立初二。不淨。解脫。三。定中。眼
識無。故亦無。所引緣。顯色貪。故。三。四定中。無不淨。解脫。

初二解脫相似善根雖欲界中亦容得有而為欲界貪
所凌雜故不建立一解脫名三四定中雖亦得有去所
治遠勢力微劣又樂淨伏故不得名第三解脫依後靜
慮離八災患心澄淨故第四并近分立後靜慮名相似
善根下地雖有非增上故不名解脫欲界欲貪所凌雜
故初一定中不淨伏故第二定中樂所迷故又並八災
所擾亂故已上論文次四解脫至非全分故者釋第四句次
四解脫如其次第以四無色定善為性非無記染非解
脫故亦非散善性微劣故彼無色界有散善者如命終
善心有說不但命終有善餘時亦有生得散善但無聞

思無色近分諸解脫道亦得解脫名無間道不然以緣
下故彼要背下地方名解脫故然於餘處多分唯說彼
根本地名解脫者以近分中非全分是解脫故所以但
說根本地也正理兩說一說同此論又一說云諸近分
地九無間道八解脫道亦非解脫不背下地故緣下道
雜故又未全解脫下地染故契經說彼超過下故已上
論文
第八解脫至無漏心出者釋第一頌第八解脫即滅盡
定彼自性等如先根品不相應中已具說故厭背受想
起此定故此滅盡定得解脫名或總厭背諸有所緣心
心所故此滅盡定得解脫名有說由此滅定解脫不染

無知定障故名解脫於滅定前有二種心一微
細心二微微心從此第三微微心後此滅盡定方現在
前第一心對前第一想心已名微細此第二心轉更微
細故名微微次如是微微心後入滅盡定入心緣彼滅
定寂靜方能入故故唯有漏出心不必反緣滅定故通
二種八中前三至為所緣境者釋第三項明解脫緣境
八中前三唯以欲界色處為境有差別者二境可憎緣
不淨故一境可愛緣淨色故問色界色淨觀欲不淨如
何能離色界色貪解云此非正能斷令暫遠離故次四
無色解脫各以自上苦集滅諦及一切地類智品道彼

自上地苦集非擇滅及彼一切類智品道非擇滅及與
虛空為所緣境又婆沙八十四云所緣者初二解脫緣
欲界色處第四解脫緣四無色及彼因彼滅一切類智
品若四無色及類智品道非擇滅并虛空若謂一物若
謂多物一切皆緣第五第六解脫準釋可知第七解脫緣非想非非
想處及彼因彼滅一切類智品若非想非非想處及類
智品非擇滅并虛空若謂一物若謂多物一切皆緣想
受滅解脫無所緣有作是說空無邊處解脫亦緣第四
靜慮非擇滅餘所緣如前所說乃至非想非非想處解
脫亦緣無所有處非擇滅餘所緣如前說準彼婆沙兩說皆許緣下

非擇 第二靜慮寧無解脫者明 第三定無解脫所以此
即問也 第二定中至所動亂故者答 第一定中無眼識
所引顯色貪故 故第二靜慮不立解脫 又自地妙樂所
動亂故行者何緣修淨解脫者明 修淨解脫此即問也
為欲令心至彼方成故者答 一為策心令欣 一為審知
成滿 由一緣故至種種任用者此明修意等謂等取勝
處遍處 餘文可知何故經中至非餘六耶者舉妨別問
以於人中至各在邊故者答 一以勝故 一在邊故偏名
身證 又婆沙一百五十二云有說淨解脫雖取淨相而
不起煩惱以殊勝故世尊安立身作證名 想受滅解脫

以無心故在身非心身力所起非心力起是故世尊說
為身證 廣如 被說 又正理云唯第二八說身證者舉一邊際
類顯所餘色解脫中淨為邊際於諸無色滅定為邊有
說 第二初於身色以勝解力取清淨相後漸遣除解脫
成滿緣身解脫此為究竟故偏於此立身證名 滅定無
心唯依身住故亦於彼立身證名 就勝故然理實青爾
依通有理有契經言何名身證謂八解脫此八解脫諸
門分別廣如婆沙八十四解已辨解脫至後四如第三
者此即第三明八勝處初句標名舉數下三句指同解
脫論曰至定前成八者釋初句勝處有八 一於內色身